

1 **Din ed ils pertschients**

2 Jau na ma less betg gloriar, poss dentant dir che jau era in scolar mediocher. En
3 matematica era jau plitost sur la media. Far quints era mia fermezza. Igl è perquai
4 chapaivel che jau hai frequentà la scola commerciala e sun dapi onns contabilist
5 diplomà en ina fatschenta da muntada naziunala.

6 Però ina giada u l'otra scurlat jau il chau, pensond a mes conscolar da pli baud, Din.
7 Lez ha bain fatg tut ils onns da la scola obligatorica da vischnanca, ma betg tut las
8 classas. En la vita è Din dentant sa cumprovà talmain che jau sun inqualgiadas quasi
9 scuidus.

10 Din posseda ina fabrica che marscha, ha ina villa da luxus ed ina chasa da vacanzas
11 en in bellezza lieu sper il lai da nossa vischnanca d'origin. Ina giada en il temp da
12 vacanzas sun jau m'entupà cun Din e nus avain rinfrestgà regurdanzas da pli baud
13 ed jau hai prendì la chaschun per eruir il motiv dal success professiunal da mes
14 camarat da scola da pli baud.

15 Din è stà reservà in mument e m'ha lura confidà il sequent detagl: „Ti sas che jau era
16 ina nulla en scola primara!“

17 „Ina nulla less jau betg dir“, respund jau e cuntinuesch, „però far quints n'era betg tia
18 fermezza.“

19 „Gist perquai hai jau pensà“, piglia Din puspè il pled, „da bandunar uschè spert sco
20 pussaivel il banc da scola e da far il sigl ora en la vita pratica.“

21 „Tge emprendissadi has ti fatg?“

22 „Emprendissadi bain da gliez temp! Nov onns scola han bastà ed allura in sigl sco in
23 vadè ora en la vita pratica.“

24 „I fa l'impressiun che ti hajas reussì en la vita da professiun?“

25 „Jau hai lavurà dus onns e suenter la scola da recruta hai jau mess si fatschenta.“

26 „Bain in manaschi da producir barschuns?“

- 27 „Exact sco che ti dis.“
- 28 „E co has fatg cun ils quints?“
- 29 „Quai è bunamain stà pli simpel che la lavur manuala davent da la damaun enfin tard
30 la saira.“
- 31 „Ma co allura?“
- 32 „Jau ta vi dir quai cun in exempel. Ils custs da fabricaziun eran in franc per barschun.
33 Jau vend il singul toc per trais francs e cun quels dus pertschient gudogn hai jau già
34 ina buna existenza ed jau stun bain“, punctuescha Din en la maniera d'ina
35 persunalitad arrivada.
- 36 Jau hai stuì tragutter da vid pliras giadas e lura hai jau guardà francamain sin Din ed
37 hai ditg:
- 38 „Quai èn vairamain stads buns pertschients!“

(tenor Toni Berther)